

der Leuiten. zc. gehört. Nach dem wort Aaron vnd seiner Söne / sol alles Ampt der Kinder Gerson gehen alles was sie tragen vnd schaffen sollen / vnd jr solt zusehen / das sie aller ierer Last warten. Das sol das Ampt des geschlechts der Kinder der Gersoniter sein in der Hütten des Stiffts / Vnd jr hut sol vnter der hand Ithamar sein des sons Aarons des Priesters.

**D**IE Kinder Merari / nach irem Geschlecht vnd Vater hause / soltu auch Merari Dordnen / von dreissig jar an vnd drüber / bis ins funffzigst jar / alle die zum Heer tügen / das sie ein Ampt haben in der Hütten des Stiffts. Auff diese Last aber sollen sie warten nach alle irem Ampt in der Hütten des Stiffts / das sie tragen die breter der Wohnung vnd riegel vnd seulen vnd füsse. Da zu die seulen des Vorhoffs vmb her / vnd füsse vnd negel vnd seile mit alle irem gerete / nach alle irem ampt / Einem iglichen solt jr sein teil der Last am gerete zu warten verordnen. Das sey das Ampt der geschlechte der Kinder Merari / alles das sie schaffen sollen in der Hütten des Stiffts / vnter der hand Ithamar des Priesters Aarons son.

**V**ND Mose vnd Aaron sampt den Heubtleuten der Gemeine zeleten die Kinder der Kahathiter nach iren Geschlechten vnd Veter heuser / von dreissig jaren vnd drüber bis ins funffzigst / alle die zum Heer tuchten / das sie Ampt in der Hütten des Stiffts hetten / vnd die summa war zwey tausent sieben hundert vnd funffzig. Das ist die summa der geschlecht der Kahathiter / die alle zuschaffen hatten in der Hütten des Stiffts die Mose vnd Aaron zeleten nach dem wort des HERRN durch Mose.

**D**IE Kinder Gerson wurden auch gezelet in iren Geschlechten vnd Veter heuser / von dreissig jaren vnd drüber / bis ins funffzigst / alle die zum Heer tuchten / das sie Ampt in der Hütten des Stiffts hetten / vnd die summa war zwey tausent sechs hundert vnd dreissig. Das ist die summa der geschlechte der Kinder Gerson / die alle zuschaffen hatten in der Hütten des Stiffts / welche Mose vnd Aaron zeleten nach dem wort des HERRN.

**D**IE Kinder Merari wurden auch gezelet nach iren Geschlechten vnd Veter heuser / von dreissig jaren vnd drüber / bis ins funffzigst / alle die zum Heer tuchten / das sie Ampt in der Hütten des Stiffts hetten / vnd die summa war drey tausent vnd zwey hundert. Das ist die summa der geschlechte der Kinder Merari / die Mose vnd Aaron zeleten nach dem wort des HERRN durch Mose.

**D**IE summa aller Leuiten die Mose vnd Aaron sampt den Heubtleuten Israel zeleten / nach iren Geschlechten vnd Veter heuser / von dreissig jaren vnd drüber bis ins funffzigst / aller die eingiengen zu schaffen / ein iglicher sein Ampt / zu tragen die last in der Hütten des Stiffts / war acht tausent / funff hundert vnd achzig / die gezelet wurden nach dem wort des HERRN durch Mose / ein iglicher zu seinem Ampt vnd Last / wie der HERR Mose geboten hatte.

## V.

**V**ND der HERR redet mit Mose / vnd sprach / Gebet den Kindern Israel / das sie aus dem Lager thun alle Aussereigen / vnd alle die Eitterflüsse haben / vnd die an den Todten unrein worden sind / beide Man vnd Weib sollen sie hin aus thun fur das Lager / das sie nicht ire Lager verunreinigen / darinnen ich vnter jnen wone. Vnd die Kinder Israel theten also / vnd theten sie hin aus fur das Lager / wie der HERR zu Mose geredt hatte. Leui. 13.

**V**ND der HERR redet mit Mose / vnd sprach / Sage den Kindern Israel / vnd sprich zu jnen / Wenn ein Man oder Weib jrgend eine sünde wider einen Menschen thut / vnd sich an dem HERRN da mit versündigt / So hat die Seele Leui. 5.

